

藝術典第二百二十八卷

醫部彙考二百八

後陰門二方一

蒼朮澤瀉丸

河間六書下同

治痔

皂子燒存性 澤瀉 枳實各二兩 地榆一兩 蒼朮四兩去皮 右爲細末燒飯爲丸桐子大 每服三十丸食前酒或米飲下

淋洗藥 治痔

天仙子 荆芥 小椒 蔓荊子各等分 右以水煎洗

香殼丸 治濕熱內甚因而飽食腸澼成痔久而成瘻速服悉愈之

木香 荆芥穗 黃蘗各三錢 枳殼去瓢麩炒 厚朴各半兩 黃連一兩 刺蝟皮一箇燒存性 當歸四錢 右爲末麪糊爲丸如桐子大每服二三十丸溫水食前日三服

楸藤子丸 治腸風瀉血濕熱內甚因爲諸痔久而不治乃變成瘻

黃耆 枳實 槐花 荊芥穗 鳳眼草各二兩 槩藤子一對炙 皂子三百箇炙 右爲細末
麵糊爲丸如桐子大每服二三十丸空心酒下米飲亦得忌油膩冷猪魚臭血等物

黃連散 一名雞冠散治腸風下血疼痛不止

雞冠花 黃連 貫衆 川大黃 烏梅各一兩 甘草三分炙 右爲末每服二錢溫米飲調下

日三服不計時候

乳香沒藥散 治五種腸風痔瘻無間久新

宣黃連 白礬各一兩 麝精草半兩 石榴一箇用刀子割下頂蓋取去裏面子三停之一停次
將黃連白礬碎內入石榴內用元頂蓋合上 右以濕紙一張裹了後用膠泥拍作餅子裹石榴以
炭火燒通赤爲度取出去泥紙次將麝精草於銚子內炒焦黃爲度與石榴研細後入麝香一錢
乳香二錢沒藥一錢研細拌勻每服一錢熱酒小半盞調下日三服

木香厚朴湯 治痔瘻脫肛腸胃間冷腹脅虛脹不思飲食

木香 桂心 桃仁 陳皮留白 肉豆蔻 赤石脂各半兩 皂角子三兩去皮子酢炙黃 大

附子三分炮 右爲末每服二錢溫粥飲調下食前

消毒飲 治便毒初發三四日可消

皂角刺 銀花 防風 當歸 大黃 甘草節 薏苡仁等分 右咬咀水酒各半煎食前溫服

仍頻提掣頂中髮立效

冰香散 治臟毒初起微腫卽用蚯蚓糞灸後以此藥搽之

爐甘石火煨二錢黃連膏淬之待乾乳末聽用 乳香另研 沒藥另研各一錢 冰片二分 麝

香一分 右和研細末田螺搗爛取汁調塗患上偶無田螺煎黃連汁亦可

內托羌活湯 治臀癰

羌活 官桂酒洗 大黃酒洗各四分 蘗本 連翹 歸梢各一錢 黃耆一錢五分 炙甘草

陳皮 蒼朮各五分 白芷 右作一服水酒各一鍾煎空心熱服以被覆患上使藥力行之方能

奏功如或不愈用鐵箍散薑汁酢火上熬熱調敷留孔時令熱餘汁潤之以助藥力

代刀散 治臟毒

古今圖書集成
之二一
穿山甲 殭蠶 枳殼 薑黃 牽牛 赤石脂 大黃 白芷 貝母各等分 右爲細末每服五錢早晨空心用酒調下行利十餘次用薄粥補之其膿血從大便中出

宣毒湯 治坐馬癰

大黃三錢酒蒸 白芷 赤芍 甘草各五分 連翹 枳殼各一錢 當歸梢二錢 右水酒各一鍾煎一滾去查早晨空心服

內托追毒飲 治坐馬癰

人參 黃耆 厚朴 甘草 桔梗 枳殼 黃連 金銀花 烏藥 當歸 芍藥 白芷 川芎 防風 右水酒各一鍾煎去查服

法製枯藥 治痔

信一兩 白礬三兩爲末 巴豆五粒去殼 飛丹 硃砂臨時生用各五錢 先將礬一兩半安瓦盆中隨將信摻在礬上再將礬覆上火熬枯取出爲末加硃砂末五錢和勻碾細末如塵先用魚腥草煎湯洗淨每用少許點上少頃黃水漸出一日夜三四次如無魚腥草或茶麤花或野薺

薇花紅白槿樹花代之或甘草湯亦可

祕方 治痔

砒霜白色明淨者五錢 白礬明淨者一兩二錢 黃丹六錢水飛二次焙乾 蝸梢八箇瓦上焙乾 草烏頭二錢爲末去皮生用 右件用舊鐵杓或熟鐵銚先將炭燒鐵銚透紅放冷揩拭淨將砒打碎如豆大將白礬燒令滾沸將碎砒投礬內拌勻以文武火煨旋旋攪入草烏蝸梢黃丹同研末收放新小瓶內如用先將痔漏以甘草湯或葱湯洗淨將生麻油調藥少許以鵝翎掃藥在痔漏上日三次第一日第二日瘡內必出黃水如膠其痔漸消看漏深淺就將薄綿紙裹豬鬃三根先入在漏內試漏深淺就將藥紙撚之藥插入漏內其藥紙撚久不取出如換藥紙撚方取出再換新藥紙撚入漏內日上三次蚤午晚用藥俱要洗淨漏用藥三五日痔漏頭併瘡口俱黑色然後不用紙撚藥其漏瘡根自落如漏不深入內上用藥點搽如瘡紅活平復不收口方用生肌散藥敷之立愈其瘡根永除再不發矣

生肌散

白芷 黃連 血竭 龍骨各五錢 光粉二兩 黃丹三錢水飛炒 軟石膏 海螵蛸各一錢
黃蘗 五倍子各一兩 右爲細末如瘡孔深用蘆管吹入裏面如瘡口淺止乾摻入內生肌平伏
不用

點痔藥

冰片 乳香 沒藥 熊膽 右俱爲末用蝸牛一枚碎其底入前四末放盞內化水以銀簪滴汁
痔上甚效田螺代之亦可

痔漏藥

牛黃末一分銅杓內先炒微烟卽下 砒末二錢候烟起再下 白礬末九錢待滾乾取起仍入火
微炒安地上出火毒爲末後入 乳香 辰砂 沒藥 冰片各一錢 右共爲極細末每用一錢
許以稠麵糊調和隨漏孔之大小深淺以爲條子之粗細長短如瘡孔爛大止用津唾調之填入
孔內待痔已潰動毒水自流和好肉上生瘡卽以五黃膏護外仍用唾調前藥末傅在痔根上如
痔根脫落摻生肌散并多服蠟礬丸

生肌散

未出毛小鼠二枚炙乾 龍骨煨 海螵蛸 赤石脂各一錢 乳香 沒藥 血竭 輕粉 雄黃各五分 右各爲末如塵臨用加冰片少許

生肌散

寒水石煨一錢 龍骨煨五分 乾臙脂三分 輕粉 右爲細末乾摻新瘡加薄荷一分老瘡依此

辰砂錠子 久痔成漏

信一錢 白礬二錢 密陀僧 辰砂各五分 先研信細入磁盆中次用礬信火上煨以烟盡爲度再將密陀僧辰砂研細白麵一些和作尖錠子頑漏納瘡口腐去敗盡方可生肌
盤腸通腸痔散 痔在內用此敷之痔頭頂自出以前藥枯之

磁石一錢 白礬枯過五分 白乾薑五分 草烏尖三枚 右爲末葱汁調敷

益氣清臟湯 治痔漏

人參 當歸 條芩 黃連 生地 赤芍藥 槐角 川芎 升麻 枳殼 秦瓦 白朮 茯苓 甘草 右水二鍾薑一片燈心二十根煎服

木香散 內痔用藥後小便不通服此藥外痔不用

山梔子 木通 車前子各三錢 淡竹葉 生地黃各一兩 黃芩五錢 燈心三十根 右咬咀每服四錢水一鍾半煎七分空心服

懊惱散

千金方下同

治濕瘡爛殺蟲除蠶

藹竹半兩 藿蘆 雷丸 青箱子 女青 桃仁各三兩 右六味治下篩粥飲服方寸匕日三加至二匕酒服亦可

杏仁湯 治蠶

杏仁五十枚 苦酒二升 鹽一合 右三味和煮取五合頓服之小兒以意量服

桃皮湯 治蟻蟲蛔蟲及痔蠶蟲食下部生瘡

桃皮 艾葉各一兩 槐子三兩 大棗三十枚 右四味咬咀以水三升煮取半升頓服之良

猪膽苦酒湯 治熱病有膿上下攻移殺人

猪膽一具 苦酒半升和之 右火煎令沸三上三下藥成放溫空腹飲三滿口蟲死便愈

雄黃兌散 治時氣病蠱下部生瘡

雄黃研半兩 桃仁一兩 青葙子 黃連 苦參各三兩 右五味爲末綿裹如棗大內下部亦

可棗汁服方寸匕日三

針粉散 治脫肛歷年不愈

針粉一味 右研細末每用少許摻之按入卽愈

周先生枯痔法

赤石脂五錢 辰砂痛加一錢 明礬 黃丹 右爲末先用鬱金末護肛門如無鬱金用薑黃末

代之調塗四圍好肉如不就加菴豆粉打合却將枯藥敷上如肛門疼急濃煎甘草湯放溫拂四

圍肛門上就與寬腸藥

寬腸藥

槐花 大黃 枳殼 木通 連翹 瞿麥 當歸 右半酒半水煎

收腸方

人參 當歸各一兩 川芎 甘草 白芷 防風 厚朴 桔梗 桂枝 黃耆 右爲細末半酒半水煎如惡酒少水多煎之夏月減桂朴加苓朮

周先生割痔麻藥

川烏 草烏尖 胡椒 吳萸 花椒 白殭蠶炒 右爲末酒調敷四邊然後割之又以此藥敷之否則亦用麝香龍骨塗之 按枯痔繫痔割痔三法用前藥服及敷貼不退者然後用之必敬謹之不可視爲常法

連魏散 治食積痔

黃連 阿魏 山楂 神麴 桃仁 連翹 槐角 犀角各等分 右爲末以少許置掌中時時舐之津液嚥下如三分消二卽止後服

連歸丸 治痔漏及脫肛便血

全當歸 酒黃連各四兩 防風 枳殼各二兩 右爲末用前浸黃連酒打糊丸梧子大每六七
十丸米飲下忌羊魚雞鵝煎炒熱物

加味連殼丸 治濕熱內甚飽食腸澼發爲諸痔久而成瘻

黃連一兩 枳殼 厚朴各五錢 當歸四錢 木香 黃蘗各三錢 荆芥二錢 蝟皮一箇

右爲末糊丸梧子大每服三十丸溫水下

秦羌湯 治痔漏成塊下垂不任

秦朮 羌活各一錢 黃耆二錢 升麻 麻黃 柴胡 炙甘草各五分 蘗本三分 防風七
分 細辛 紅花各少許 水煎服忌風處大小便

槐膽丹 不問遠年近日痔瘡服之如神久服黑髮固齒

十月上巳日揀肥實槐子用瓦盆如法固濟於背陰牆下掘一坑約二三尺深埋之預先取黑牛膽
五六箇臘月八日取前槐子裝在膽內高懸陰乾至次年清明日取出 右用磁器收貯每空心白
湯下一日服一粒二日二粒漸加至十五粒止以後一日減一粒週而復始

加味地黃丸 五痔滋陰必用之

熟地 黃耆各一兩半 槐花 黃蘗 杜仲 白芷各一兩 山茱萸 獨活 山藥各八錢

牡丹皮 茯苓 澤瀉各六錢 白附子二錢 右爲末蜜丸梧子大每五十丸空心米飲下

牽牛酒 通行痔漏中惡水自大腸出

黑牽牛末一分入猪腰子內以線紮箬葉包慢火煨熟 右每空心細嚼溫酒送下

內生肌丸

枯礬 鹿角 芝麻各一兩 右爲末蜜丸梧子大溫酒下三十丸竅塞後去鹿角加象牙一兩黃

蠟爲丸常服斷根

加味蠟礬丸 治新久諸漏

象牙五錢 露蜂房 白殭蠶 蛇退 血竭 木香各三錢 乳香二錢 白礬二兩 右爲末

黃蠟四兩爲丸梧子大溫酒下二十丸

齒髮散 治漏瘡惡瘡生肌裏欲乾者用之

人齒 頭髮 雞胫各等分俱燒存性 麝香 輕粉各少許 右爲末濕則乾摻乾者麻油調搽

蜂房散 治久年漏瘡或暫差復發或移於別處

露蜂房炙黃三分 穿山甲 龍骨各一分 麝香少許 右爲末臘月豬脂調敷濕則乾摻

蝸牛膏 治痔疼痛

蝸牛一錢 片腦 麝香各少許 右搗爛取汁敷痔上痛止腫消

青龍五生膏 治癰疽痔漏惡瘡膿血出皆以此方導之

生梧桐白皮 生桑白皮 生竹茹 生柏白皮 生龍膽 蜀椒 附子 芎藭各五兩 蜂房

蛻皮 蛇蛻皮 雄黃 雌黃各一兩 十三味咬咀以三年苦酒二斗浸一宿於炭上炙乾搗下

細篩以豬脂二升半微火煎攪令相得如飴著末水中新白磁器中盛稍稍隨病深淺傅之并以

清酒服如棗核大日一

黃蠟丸 治臟毒

黃蠟四兩 右一味隔水煮軟丸如桐子大月朔服一丸次日服二丸三日服三丸漸加至月盡三十丸已後每日減一丸至一丸止用酒送下輪流服之其瘡自痊則不必服矣

五九丸

古今醫鑑下同

治痔漏如神

白牽牛頭末 大黃 五倍子 乾蓮蕊各一兩 黃連三錢 礬紅以皂角煉紅 當歸各五錢 沒藥 乳香各一錢 竹葉焙乾 右共爲末初服五分二服六分三服七分四服八分五服九分爲止每日清晨用牙猪肉湯半碗加無灰酒一小鍾調下忌豬腸肚驢肉燒酒

三八全應丸

痔漏效驗

胡桃十八箇內取隔三十六片 地骨皮酒炒乾 當歸酒洗微炒 刺蝟皮一箇連刺酒浸曬乾 槐角酒浸炒 黃連酒炒 甘草蜜炙各二兩 乳香二錢 右爲末酢糊爲丸如梧子大每服三五十丸白湯或酒早晚二服一月後平復

地榆丸

治痔漏通用

槐角 生地黃各二兩 當歸身 黃耆 黃連 防風 連翹 黃芩 枳殼 秦艽 地榆

升麻各一兩 阿膠 川芎 白芷各五錢 右爲末酒糊丸如梧子大每服五六十丸加至七八十丸空心米湯下或酒任下

追風補腎十漏大金丹 治漏庚申甲子成除日合

當歸 麥冬 破故紙 川烏 肉蓯蓉 山藥 白茯苓 枳殼 白芷 杏仁各二兩 人參 生地 小茴 鹿茸 木香 青木香 砂仁 厚朴 青皮 陳皮 烏藥 肉豆蔻 天麻 乳香 沒藥各一兩 硃砂 丁香各五錢 熟地 大茴 枳實各三兩 大附子一箇 香附 松節各四兩 右爲末煉蜜丸如彈子大金箔爲衣每服一丸空心酒化下

升陽除濕湯 治脫肛自下而上者引而竭之

柴胡 升麻 防風 豬苓 澤瀉 蒼朮 陳皮 神麴炒 麥牙炒 甘草 右剉水煎空心溫服胃寒腸鳴加益智仁半夏

提氣散 治氣虛下陷脫肛

黃耆 人參 白朮 當歸 白芍 乾薑炮 柴胡 升麻 羌活 甘草炙 右水煎服

舉肛丸 治無火證瀉久脾虛脫肛

半夏 天南星 枯白礬各五錢 雞冠花炒 白附子各五兩 胡桃仁十五箇燒存性 枳殼

訶子肉煨 黑附子各一兩 刺蝟皮二枚炙 苦蘘一枚燒存性 右共爲末酢糊丸空心溫酒

下三十丸

水澄膏 治痔以此保護良肉再用後藥以枯痔

鬱金 白芨各一兩 一方加黃連 右二味爲細末如內痔候登廁翻出在外用溫湯洗淨側臥

卽出用蜜水調令得中篋篋塗穀道四邊好肉上留痔在外以紙蓋藥上良久方用枯藥搽痔上

用筆蘸溫水於紙上不令藥乾及四散

枯痔方

白礬四兩 生信石二錢半 硃砂一錢研極細 右各研爲細末先用砒入紫泥罐次用白礬末

蓋之用火煨令烟斷其砒盡隨烟去借砒氣於礬中耳用礬爲極細末看痔頭大小取礬末在掌

中更入硃砂少許以唾調稀用篋頭塗痔上周過一日三上候看痔頭顏色焦黑爲效至夜有黃